

Orémus.

Oratio

Dómine Jesu Christe, Fili Dei vivi, puritátis amátor et custos, obsecrámus imménsam cleméntiam tuam: ut, sicut ministério Angelórum sanctum Thomam Aquinátem cingulo castitátis cingere, et a labe córporis ac ánimæ præserváre fecisti: ita ad honórem et glóriam ejus bene ✠ dicere, et sancti ✠ ficáre dignéris cingula ista; ut, quicúmque ipsa circa renes reverénter portáverit ac tenúerit, ab omni immunditia mentis et córporis purificétur, atque in éxitu suo per manus sanctórum Angelórum tibi digne præsentári mereátur: Qui cum Patre et Spíritu Sancto vivis et regnas in sæcula sæculórum.

℞. Amen.

Et aspergantur aqua benedicta.

30

BENEDICTIO ET IMPOSITIO SACRI NUMISMATIS B. MARIE V. IMMAC.

vulgo Médaille miraculeuse

Propria Congr. Missionis

(Approbata a S. R. C. die 19 Aprilis 1895)

Sacerdos benedicturus sacrum Numisma immaculatæ Virginis Mariæ Conceptionis, superpelliceo et stola alba indutus, dicit:

℣. Adjutórium nostrum in nómine Dómini.

℞. Qui fecit cælum et terram.

℣. Dóminus vobíscum. ℞. Et cum spíritu tuo.

Orémus.

Oratio

Omnípotens et miséricors Deus, qui per múltiples immaculatæ Mariæ Vírginis apparitiónes in terris mirabilia júgiter pro animárum salute operári dignátus es: super hoc numismatis signum, tuam bene ✠ dictionem benígnus infúnde; ut pie hoc recoléntes ac devóte gestántes et illius patrocínium séntiant et tuam misericórdiam consequántur. Per Christum Dóminum nostrum. ℞. Amen.

Deinde Numisma aspergit aqua benedicta, et ipsum postea imponens dicit:

Pro uno vel una

Accipe sanctum Numisma, gesta fideliter, et digna veneratióne proseguere: ut piíssima et immaculáta cælórum Dómina te prótegat atque deféndat; et pietátis suæ prodígia rénovans, quæ a Deo suppliciter postuláveris, tibi misericórditer impetret, ut vivens ac móriens in matérno ejus ampléxu feliciter requiescas. Amen.

Pro pluribus

Accípите sanctum Numisma, gestáte fideliter, et digna veneratióne proseguimini: ut piíssima et immaculáta cælórum Dómina vos prótegat atque deféndat; et pietátis suæ prodígia rénovans, quæ a Deo suppliciter postuláveritis, vobis misericórditer impetret, ut vivéntes ac moriéntes in matérno ejus ampléxu feliciter requiescátis. Amen.

Inde prosequitur:

Kýrie, eléison. Christe, eléison. Kýrie, eléison.

Pater noster **secreto usque ad**

V. Et ne nos indúcas in tentatiónem.

R. Sed libera nos a malo.

V. Regina sine labe origináli concépta.

R. Ora pro nobis.

V. Dómine, exáudi oratiónem meam.

R. Et clamor meus ad te véniat.

V. Dóminus vobíscum. **R.** Et cum spíritu tuo.

Orémus.

Oratio

Dómine Jesu Christe, qui beatíssimam Vírginem Mariám matrem tuam ab origine immaculátam innúmeris miráculis claréscere voluisti: concéde; ut ejúsdem patrocínium semper implorántes, gáudia consequámur ætérna: Qui vivis et regnas in sæcula sæculórum. **R.** Amen.

31

BENEDICTIO NUMISMATUM S. BENEDICTI

Propria Ordinis S. Benedicti

Sacerdos benedicturus numismata sancti Benedicti, dicit:

V. Adjutórium nostrum in nómine Dómini.

R. Qui fecit cælum et terram.

Exorcízo vos, numismata, per Deum ✠ Patrem omnipoténtem, qui fecit cælum et terram, mare et ómnia, quæ in eis sunt. Omnis virtus adversárii, omnis exércitus diáboli, et omnis incúrsus, omne